

# 卷六

書名 佛祖歷代通載二十二卷 慶長十七年本國寺活字印本  
 撰者 元 釋念常 撰  
 卷 卷六  
 內容分類 子 釋家 史傳  
 索書號 貴重 62  
 編號 C6553700

佛祖歷代通載卷第一

嘉興路大中祥符禪寺住持華亭念常集

七佛偈

毗盧尸佛過去莊嚴劫第九十八尊偈曰身從無相中受生

猶如幻出諸形像幻入心識本來無罪福皆空無

所住長阿含經云人壽八萬歲時此佛出世種刹

利若父槃頭母槃頭婆提居槃頭婆提城

坐羅樹下說法三會度人三十四萬八千人神

足名騫荼二名提舍侍者無憂子方膺

莊嚴劫第九尊偈曰起諸善法本是幻造諸

彩色首頁1

東洋文化研究所漢籍目錄 編號: C6553700

東洋文化研究所漢籍目錄所藏漢籍善本全文影像資料庫 索書號: 貴重 62

漢籍善本全文影像資料庫文本佛祖歷代通載二十二卷 慶長十七年本國寺活字印本

版權所有: 東京大學 東洋文化研究所

使用上的注意事項



吳郡步顯鄉刊

所究研京東院學化文方東  
No. 154 四

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究所





東晉書  
卷第六  
圖書

佛祖歷代通載卷第六

嘉興路大中祥符禪寺住持華亭

念常集

西晉

雷氏曰

宣景文武惠懷愍帝  
西晉四主五十二年

高祖宣帝懿

姓司馬氏王金德都洛陽字仲達向  
內溫人也高陽氏之後祖雋頰川太

守父防京兆尹帝乃防之次子事魏忠  
烈大有賢能壽七十三崩葬高原陵

景帝師

字子先宣之長子壽四十  
八崩于許昌葬峻平陵

文帝昭

字子上景之母弟壽五十  
五崩于露寢葬峻平陵

武帝炎

字安世文之長子寬惠仁厚好莊老之書  
咸熙二年受魏禪降封晉賔為陣留王迂

于鄴用天子儀衛之帝自滅吳之後奢後縱恣  
後宮殆將萬人嘗乘羊車至于所寢已酉四月

崩含章殿壽五  
十五葬峻陽陵在位二十五年改元太始

乙酉

吳暨  
神祠  
波及  
梵字

吳孫皓始即位改甘露元年下令徧毀神祠波及  
梵字臣僚諫先帝感瑞剏寺不可毀也乃遣臣張  
昱往告康僧會會挫其辭理辯鋒出昱不能屈歸  
以會才高聞皓召至問曰佛言善惡報應可得聞  
乎會曰明主以孝慈治天下則赤烏翔而老人見  
以仁德育萬物則醴泉湧而嘉禾茁善既有應惡  
亦如之故爲惡於隱鬼得而誅之爲惡於顯人得  
而誅之易稱積善餘慶詩義求福不迴雖儒典之  
格言即佛教之明訓皓曰然則周孔旣明安用佛  
教會曰周孔不欲深言故略示其跡佛教不止淺

慶墟  
羊墟

言故詳示其要皆爲善也聖人唯恐善之不多陛  
下以爲嫌何也皓無以酬之遂罷他日宿衛治圃  
得金像皓使置穢處蒙不潔以爲笑樂俄得腫疾  
晝夜呻吟占者曰坐犯神祠禱諸廟不効宮人有  
奉佛者曰乃不請福於佛耶皓仰視曰佛神若是  
怪乎曰佛之威靈視神如天淵皓乃悟曰吾以慢  
像致此耳趣迎像龕而供事之仍請會說法悔罪  
會爲開示玄要并取本業百二十願分二百五十  
事使皓行住坐卧增益善意及授之五戒少項疾  
愈由是奉會爲師崇飾寺塔



法護學  
究三十  
六國  
兼通  
其語  
燉  
也音

太始元年月氏國沙門曇摩羅察晉言法護至洛陽護學究三十六國道術兼通其語及自天竺大賞梵本婆羅門經達于玉門因居燉煌世號燉煌菩薩後游洛邑及之江左永嘉中隨處譯經未嘗暫停時優婆塞聶承遠執筆助翻垂四百卷及承遠卒其子道真者詢稟咨承法護筆授外道真自譯經六十餘卷時晉沙門釋法炬法立支敏度及優婆塞衛仕度等譯出衆經外炬與立等每相參合廣略異同編次部類凡一百四十餘卷復有沙門罽良婁至安法欽竺叔蘭白法祖支法度等各

出衆經所以西晉已來宣譯漸盛

論曰吳黃武初陸績有言曰從今更六十年天下車同軌書同文及泰康改元而吳平天下一統果如績言自是才二十載至永寧之初正道虧頽群雄嶽峙趙王劾基叛逆篡主於朝張軌繼請外遷擅據涼土內外糜沸仍漸亂階劉淵所以平陽李雄因茲并絡懷帝蒙塵外郡愍者播越長安既道籍時興而兩都版蕩法由人顯屬二主恟惶萬姓崩離歸信靡託百官失守釋種無依時有沙門竺法護及釋法炬等忘身利

漸  
廉將

物志在宏宣匪憚苦辛闡法為務護於晉世譯經最多且晉雖不文文才實著翻傳妙典日有賞音所以禮樂衣冠晉朝始備信源道種相資而興焉

吳改寶鼎

丙戌 丁亥 犬教東流二百年矣

吳改建衡

己丑 壬辰 吳改鳳凰

乙未 改咸寧○吳改天冊

吳改天陰明年又改天紀

丙申

己亥 ○九月會公示疾而化

庚子 改太康吳 右吳四主六十年而晉併之天下統一統

壬寅 會稽育王塔緣起有劉薩訶病死入冥見梵僧指往會稽育王塔處懺悔既甦出家名惠達及至會稽徧求不見偶一夜聞地下鐘聲倍加誠懇經三日忽從地涌出寶塔高一尺四寸廣七寸佛像悉具達既見塔精勤禮懺瑞應甚多明州塔此其始也

庚戌 蕙帝衷改永熙字正度武次子生而不惠不辨菽

誅滅大臣致天下大亂為司馬越治十七年鳩于顯陽殿壽四十八葬太陽陵



辛亥

三皇三經五真圖  
皇洞及嶽仙

改元康又改永平

道家三皇經乃鮑靜所撰十四紙也彼曰凡諸侯  
有此文者必為國王大夫有此文者為人父母庶  
人有此文者錢財自聚婦人有此文者必為皇后  
既犯國諱永康中被誅出晉史後人改曰三洞至  
唐二十年貞觀間吉州囚人劉紹妻王氏有五嶽  
真仙圖及鮑靜所撰三皇經時吉州司法參軍吉  
辨因檢囚於王氏處得之申省勅令刑部郎中紀  
懷業等追京下道士張慧元成武英等勘問得在  
先道士鮑靜所撰妄為墨本非今无等所造勅令

毀除追諸道士及百姓有此文者其年冬並集得  
之遂於禮部廳前悉焚之

甲寅

瑞像到龜茲國

已上一千二百八十五年在西竺是年始到貞慈九住六十八年

此菩薩  
羊中來  
衣服  
華麗  
違律

永平四年天竺沙門耆域至洛陽指沙門竺法淵  
曰此菩薩從羊中來指竺法興曰此菩薩從天中  
來又曰比丘衣服華麗大違戒律非佛意也望見  
帝都宮室曰大略似忉利天宮然人天殊分疲民  
之力繕刻如此不亦侈乎未幾而洛陽乱域辭歸  
天竺數百人遮道請中食乃行域許之明日百餘  
家域分身同時赴之家喜其來及發跡洛南城徐

行而追者不及即以杖畫地曰于此訣矣是日有  
出長安者見域在寺中有賈胡濕登者其夕會域  
宿于流沙盖一昔萬里沙門神迹于此為顯云初  
域來交廣並有靈異既達襄陽欲寄載過江舟人  
見是胡僧輕而不渡及舡達岸域已前行路見兩  
虎虎弭耳掉尾域以手摩其頭虎下道而去見者  
皆敬焉

庚申 改永康

辛酉 改永寧 正月趙王倫篡位遂誅之

○十六國 自永寧之後所在分十六國五涼四燕二趙三秦大夏并蜀為十六

雷氏曰張軌據涼號曰前涼九主六七苻堅侮亡

李特據益號曰後蜀六主四六桓溫戮辱

劉淵平陽號曰前趙四主二六石勒平勦

石勒襄國號曰後趙六主三二冉閔除討

符健長安號曰前秦五主四四姚萇反臣

慕容據鄴號曰前燕二主二二滅于苻堅

姚萇長安號曰後秦三主三二劉裕即真

乞伏金城號曰西秦四主二八赫連使賓

呂光姑臧號曰後涼四主十三姚興復疆

慕容山中號曰後燕四主四二馮跋滅焉



烏孤廣武號曰南涼三主十九熾盤僭王

慕德廣固號曰南燕二主十一劉裕得天

李暠燉煌號曰西涼二主二四蒙遜威疆

蒙遜張掖號曰北涼二主三九拓跋乃昌

赫連朔方號曰大夏二主二五魏有天下

馮跋昌黎號曰北燕魏滅二主二十八

是十六國雜晉魏間

前涼張軌字士彥安定烏氏人漢張耳十七代孫永寧初涼州刺史建興年僭立為

王依晉正朔立十二年晉武太六滅

烏折然  
氏章移  
壬戌

改大安

後蜀李特字玄休巴西宕渠人其先廩君之裔自氐羗之亂隨流人至蜀自稱益州

教號蜀改初年

蜀武帝雄字仲雋特第三子母曰羅氏是年羅尚殺特而立帝三十年改元建興咸

和八年生瘍于頭六日而卒壽六十一

甲十五

改永興

前趙劉淵字元海新興氐奴人冒頓之後初漢祖以宗女為公主妻冒頓約為兄弟

故子孫冒姓劉氏都平陽六年改元熙

冒密比  
頡當役  
丙寅

改光熙○蜀改晏平

丁卯

懷帝熾改永嘉字豐度武帝二十五子也生而姿奇後無罪為劉聰虜之壽三十歲

治六年







馬浮渡江一馬化為龍永嘉喪亂宗室中唯瑯琊西陽汝南南頓彭城五王獲濟江表而睿首基為帝將知受命上感天靈欲跨輿圖下資地勢地負其勢始皇鑿之而弗亡天降其靈劉曜殲之而莫盡爰自建武至于元熙凡十二主一百四年華戎道俗譯經律論垂六百卷而弘法之務至是特盛焉

戊寅

改大興

前趙劉曜

字永明劉禿海族子少孤貧養于元海家而承位十二年改光初元年

後趙石勒

字世龍上黨武鄉人其先兗州別部人也年十四至洛陽倚笑上都門王術異之曰胡雖聲視有奇志將為天下之患遣人收之會勒已去後起兵據襄國一十五年

己卯

辛巳

涼茂

字成遠寔之弟在位四年

壽六十勒初暴政及見圖澄鉢長青蓮之驗回心納諫延及子虎慕德推賢

壬午

改永昌上憂崩

天竺沙門吉友抵建康丞相王導見之曰我輩人也太尉庾亮光祿周顛廷尉栢彞一時名公皆造門結友聲名著播紳間嘗對王導解帶盤礴尚書卜望之適至友正容肅然有問其故對曰王公風道期人卜令軌度格物吾正當以此應之耳栢彞欲為友作日久之未得友曰尸黎密此云吉友可謂卓朗彞絕嘆以為盡品目之極大將軍處仲聞友為



諸公器重心未然及見不覺手足增敬周顛為僕射領選將入局過友嘆曰為朝廷選賢得如君真令人無愧耳及顛歿友慰其孤對靈作梵唄清響凌雲又呪語千餘言而去王導嘗戲之曰外國有君一人而已友笑曰使我如諸君今日豈得在此時以為名言譯孔雀經梵名尸黎密蓋讓王位出家如吳泰伯然

癸未

明帝紹改太寧

字道畿元之長子敏有機斷故能以弱制強克復大業惜乎降年不

永未致太平崩壽二十七葬于平陵

治三年

乙酉

涼駿

字公建寔之子立字公建寔之子立

二十二年壽四十一

第二十五祖婆舍斯多者罽賓國人也姓婆羅門父寂衍母常安樂初母夢得神劍因而有孕既誕拳左手遇師子尊者顯發宿因密受心印後適南天至中印度彼國王名迦勝設禮供養時有外道號無我尊先為王禮重嫉祖之至欲與論議幸而勝之以固其事乃於王前謂祖曰我解默論不假言說祖曰孰知勝負曰不爭勝負但取其義祖曰汝以何為義曰無心為義祖曰汝既無心安得義乎曰我說無心當名非義祖曰汝說無心當名非義我說非心當義非名曰當義非名誰能辨義祖

師子  
遇難

曰汝名非義此名何名曰為辨非義是名無名祖曰名既非名義亦非義辨者是誰當辨何物如是往返五十九翻外道杜口信伏于時祖忽然面北合掌長吁曰我師師子尊者今日遇難斯可傷焉即辭王南邁達于南天潛隱山谷時彼國王名木德迎請供養王有二子一克暴而色力充盛一和柔而長嬰疾苦祖乃為陳因果王即頓釋所疑又有呪術師忌祖之道乃潛置毒於飲食中祖知而食之彼返受禍遂投祖出家祖即與受具後六十載太子德勝即位復信外道致難于祖太子不如

密多以進諫被囚王遽問祖曰予國素絕妖訛師所傳者當是何宗祖曰王國昔來實無邪法我所得者即是佛宗王曰佛滅已千二百年師從誰得邪祖曰飲光大士親受佛印展轉至二十四世師子尊者我從彼得王曰予聞師子比丘不能免於刑戮何能傳法後人祖曰我師難未起時密授我信衣法偈以顯師承王曰其衣何在祖即於囊中出衣示王王命焚之五色相鮮薪盡如故王即追悔致禮師子真嗣既明乃赦太子太子遂求出家祖問太子曰汝欲出家當為何事曰我若出家不

製 複 許 不

NOT TO BE REPRODUCED



為其事祖曰不為何事曰不為俗事祖曰當為何事曰當為佛事祖曰天子智惠天至必諸聖降迹即許出家六年侍奉後於王宮受具羯磨之際大地震動頗多靈異祖乃命之曰吾已衰朽安可久留汝當善護正法眼藏普濟群有聽吾偈曰聖人說知見當境無是非我今悟本性無道亦無理不如密多聞偈再登祖曰法衣宜可傳授祖曰此衣為難故假以證明汝身無難何假其衣化被十方人自信向不如密多聞語作禮而退祖現于神變化三昧火自焚平地舍利可高一尺德勝王剎浮

圖而秘之當東晉明帝太寧三年乙酉歲也

丙戌 成帝衍改咸和 字世根明帝長子五歲即位康帝臨政壽二十五 浴十七年

三藏理法師名慧理西竺人也東晉咸和初來遊此土至杭州見山岩秀麗曰吾國中天竺靈鷲山之一小嶺不知何年飛來佛在世時多為仙靈所隱今此亦復爾耶洞奮有白猿遂呼之應聲而出人始之信飛來由是得名師即地建兩剎先靈鷲後靈隱常宴坐岩中號理公岩今瘞塔在焉

戊子 趙改太和

庚寅 後趙改建平

壬辰 癸巳

燕慕容皝立

蜀班 字世文，雄兄之子，初署南平將軍，後立為太子，雄疾，班侍卒而立。一年復為雄子越

殺之，壽四十一

趙弘 字木雄，勤之次子，立一年，改元延熙，壽四十二

趙石虎 劫弘自立，盡殺勤種，改元建熙

甲午 乙未

改咸康 ○趙改建武

蜀期 字晉中，運，雄第四子，立三年，改元正，桓後自縊死，雄諸子皆為壽所殺

丙申

○後趙大旱，米斗直金一斤

蜀壽 字武考，驤之子，雄之弟，殺期自立六年，改元漢興，國号漢

戊戌

咸康六年，成帝幼，冲、庾冰以元舅輔政，奏沙門應

盡禮王者，尚書令何充等議不應致禁，下禮官詳議。博士議與充合，而門下承冰風旨，為駁。尚書令充僕射褚翬、諸葛恢、尚書馮懷、戴廣等奏曰：「世祖武皇帝以盛明革命，肅祖明皇帝聰聖玄覽，豈于時沙門不易屈膝，顧以不變其脩善之法，所以通天下之志也。臣等謂宜遵承先帝故事，於義為長，冰固謂應盡敬。下制曰：夫萬方殊俗，神道難辯，有自來矣。達觀旁通，誠當無恠。况跪拜之禮，何必尚然。當復原先王所以尚之之意，豈直好此屈折而坐，遘盤辟哉。良有以也。既其有以，將何以易之。然

庚冰 屈僧 拜俗



則名禮之設其無情乎且今果有佛耶無佛則其道固弘無則義將安取縱其信然將是之事方外之事豈方內所躰而當矯形躰違易禮典棄名教是吾所甚疑也名教有由來所不廢昧且丕顯後世猶殆殆之為弊其故而今當遠慕茫昧依稀未分棄禮於一朝廢當世使夫凡流傲逸憲度又是吾所甚疑也信然縱其有之吾將通之於神明得之於宵軌憲宏謨固不可廢之於正朝凡此等類皆也論其才智又常人也而當因所說之難辨

何充  
議不  
應拜

飾以凌度抗殊俗之傲禮直形骸於萬乘又所弗取也諸君並國器也悟言則當測幽微則當重國典苟其不然吾將何述焉充等重曰臣等暗短不足以讚揚聖旨宣暢大義伏詔震懼屏營輒共尋詳有佛無佛固非臣等定然攻其遺文鑽其旨要五戒之禁實助王昭昭之名行貴冥冥之潛操行德在於忘身心之精妙且興自漢世迄至于今雖法有隆弊無妖妄神道經久未有其比也夫議有損必有益臣之愚誠實願塵露之微增潤岱岳







甲辰

蜀勢

字子仁、壽之長子、身長七尺九寸、腰十四圍、善俯仰、立五年、改元太和、後死、建康

乙巳

穆帝聃改永和

字彭祖、康之長子、二歲即位、母翟氏、臨朝、壽十九、崩于顯陽殿、葬永

平在位十七年

丙午

蜀改嘉寧

丁未

涼張重華

字太暕、駿次子、立七年、壽二十七

戊申

後趙佛圖澄諫殺太子宣

己酉

後趙改太寧即帝位、尋死而國亂

前燕儁

姓慕容、睿字子英、祖名廆、字齊、昌黎棘城人、其先有熊之裔、世居北夷、邑于

紫蒙之野、晉封廆王、遷都龍城、生子皝、儁乃皝之次子也、居鄴、十一年、壽四十二歲

天竺佛圖澄至洛、自言百餘歲、常服氣、自養能積

生兜  
青鉢  
蓮

日不食、善誦呪、役使鬼神、腹旁有孔、以綿塞之、夜

讀書、則拔綿出、光照室、又每臨溪、從孔中出腸胃

洗濯、還納腹中、能聽鈴音、言吉凶、莫不奇驗、會洛

陽寇亂、潛伏草野、以觀時變、時石勒屯葛陂、多殘

殺、澄杖錫謁勒、勒命試以道術、澄取蒲鉢水、呪之

俄青蓮華生鉢中、光色耀目、勒由此神敬、延之軍

中、未幾劉曜求戰、以決雌雄、左右以為未可、勒以

訪澄、澄曰、相輪鈴音云、秀支替戾岡、僕谷劬禿當

此、羯語也、秀支、軍也、替戾、岡也、僕谷、劉曜胡位

也、劬禿、當捉也、言軍出捉得劉曜、又令童子潔齋



三日取麻油合臘脂躬自塗於掌中舉手示童子  
燦然有輝童子驚曰有軍馬一人白皙以朱絲縛  
肘澄曰此即曜也勒遂出戰果生擒劉曜勒稱趙  
王行皇帝事敬澄弥篤每舉事必咨而後行勒殂  
弟季龍襲其位徙都鄴城尤傾心事澄下令衣以  
綾綿乘雕輦朝會引見常侍御史悉助舉輿升殿  
太子諸公扶翼而前主者唱大和尚坐者皆起勅  
司空李農朝夕問候時支道林聞之曰澄公其以  
季龍爲鷗鳥耶及晉軍侵淮泗季龍怒曰吾奉佛  
供僧返更致寇佛無神矣澄入見曰陛下前身爲

商人經罽賓寺設大會會有六應真吾其一也有  
聖者曰此檀越報盡爲雞乃王晉地今陛下爲天  
子豈非奉佛供僧而致耶疆場侵噬有國之常何  
爲怨謗三寶興毒念乎季龍悔謝因問曰佛法不  
殺朕爲天下掌生殺恐違佛戒澄曰帝王事佛在  
恭儉慈忍顯讚法道不爲暴虐不害無辜民有爲  
惡化之不悛者其可不罰乎但殺不可濫刑不可  
不恤耳尚書張離家富事佛而所爲不法澄曰事  
佛在清淨無欲君雖崇飾寺塔而貪冒不已無益  
也及將去世詣辭季龍驚曰大和尚遽棄我國有



難乎澄曰：出生入死，道之常也。脩短分定，無由增損。但道貴行全，德貴不息。苟德行無玷，雖死如生，咸無焉。千歲尚何益哉？然有可恨者：國家存心，佛理建寺，度僧當蒙祉福，而布政猛虐，賞罰交濫，特違聖教，致國祚不延也。季龍號慟，咽澄安坐而逝。後有沙門自雍州來，見澄入閔，以聞。季龍命發塚視之，唯塊石存焉。季龍大惡之，歎曰：石吾姓也，大和尚埋我而去，其能久乎？未幾，石氏果滅。澄度弟子數千萬人，凡居其所，國人無敢向之涕唾，每相戒曰：莫起惡心。大和尚知汝其道化感物如此。

自大教東來，至澄而盛。

論曰：大覺璉禪師有云：妙道之意，聖人嘗寓之於易，由生民已來，淳朴未散，則三皇之教簡而素，春也；及情竇日鑿，則五帝之教詳而文，夏也。時與世異，情隨日遷，故三王之教密而嚴，秋也。至周衰，先王之法壞，禮義亡，迨爲秦漢，則無所不至，而天下至有不忍願聞者。於是我佛世尊之教入東土，示以性命之理，教以慈悲之行，冬也。旨哉斯言！觀澄公區區西來，當石勒、季龍、暴虜噬之際，而能憫物垂軌，示以玄言德祥，導



以慈悲之行卒使二暴革心道化融洽於戲天  
有四時循環以生成萬物而聖人之教迭相扶  
持以化成天下厥有以哉

庚戌

趙石祗三月即位襄國改永寧去帝號劉顯殺

兵攻鄴敗還魏克襄國殺顯及公卿  
焚宮室遷其民于鄴至辛亥國除

魏冉閔殺石虎子孫十八人及胡羯二萬人壬

閔於過徑山七里之內草木皆  
枯半年不雨祭之乃雨國除

辛亥

前秦苻健字建業洪第三子洛陽臨渭人其

長初仕石虎滅洪有師十萬自稱秦王生健  
背有草付字改姓苻氏僭立四年都長安改

元皇始壽三十九而終○苻子朗堅之兄英潔不仕著書

世尊入滅一千三百年矣

壬子

燕改元金

甲寅

涼張祚改和平元

乙卯

符生字長生健第三子立二年改  
元壽光二十三年為堅殺之

涼張玄靚立

丁巳

改升平帝加元服

苻堅字永固洪之子雄武智略盡有中原以百  
萬之眾伐晉為謝石所敗立二十七年壽

四十八終  
改元永昌

燕改壽光

釋迦公本蜀人也預言多驗遊化至長安時天大

祈雨  
咒龍  
鉢中

己未

庚申

辛酉

早堅命師祈雨咒龍鉢中其雨沛然恪加敬事師  
不食五穀日行五百里是年示滅而歲復早堅謂  
秘書朱彤曰涉公若在豈使朕焦心于雲漢哉其  
思仰如此

秦改甘露

燕慕容暉

字景茂，僑第二子，僭立十年，改元建熙。

沙門于洪開蘭公徒弟也善放光法華尤精醫法  
嘗值婦人在草危急開曰此易治耳主人宰羊欲  
祀神開令取肉為羹進竟因氣針之須臾羊瘳裹  
兒而出或問法師高明剛簡何以醫術經懷荅曰

明六度以除四魔之病調九候以療風寒之疾自  
刹利人不亦可乎

壬戌

哀帝丕改隆和

字千齡，成之長子，即位修身，後崩。穀服長生藥，過度中毒，崩于西堂。

壽二十五，葬于安平陵。 治四年

拊檀瑞像

已上六十八年在龜茲。此下一千四百年在西涼府。

癸亥

改興寧

甲子  
一五

涼張末錫立

駿之少子，玄觀委政，與臣謀殺自立，至丙子為苻堅所虜。

是年哀帝詔法師竺潛講般若於禁中嘗著履至  
殿中人聚觀歎道德高風初不省有市朝時簡文  
輔政沛國劉惔嘗遇潛於簡文座中嘲曰道人亦

惔  
徒  
鑒



中國初沙自始  
此門葬國

遊朱門乎對曰君自見朱門貧道以為蓬戶及辭  
還剡山支遁寓書求買沃州小嶺歸隱潛谷曰欲  
來當給未聞巢由買山而隱也寧康二年卒武帝  
下詔曰法深理悟虛遠風鑑清高棄宰輔之榮襲  
染衣之素山居世外篤懃匪懈方賴宣道以濟蒼  
生奄從遷謝用痛于懷其賜緡錢十萬助建瑩塔  
潘字法深凡中國勅葬沙門自潘而始  
法師支道字道林與謝太傅安王右軍羲之厚善  
安守吳興以書抵道略曰思君曰積比辰尤甚知  
欲還剡自治為之愴然人生如寄耳自頃風流得

意事殆磨滅都盡唯終日戚戚遲君一來以晤言  
消遣之一日千載也及竺潛辭關有詔道繼講法  
於禁中一時名士殷浩郝超孫綽柏彥表王敬仁  
何充王坦之袁彥伯並與結方外交天下想見其  
標致者劉系謁于白馬寺談莊周以適性為逍遙  
道曰不然桀跖以殘虐為性豈亦逍遙乎於是注  
逍遙篇學者宗之王濛嘗極精思作數百語詣道  
曰與君別久而君了不長何也濛慚汗曰絳鉢之  
王何也郝超嘗問謝太傅曰道談何如稽中散太  
傅曰稽努力裁得半耳又曰何如殷浩太傅曰塵

鹽論辨恐當抗衡超拔淵源殷有慚德超後與親  
奮書曰林公神理所通玄拔獨悟數百年來紹隆  
大法令真理不絕一人而已太和二年廢帝海西  
公在位道抗表辭還山有詔資給敦遣諸公祖餞  
于征虜亭蔡子叔者先至近道林坐適起而謝萬  
亟趨其處子叔還合褥舉萬投諸地萬曰幾損我  
面子叔曰吾初不為卿面計其為當時所慕如此  
晚居山陰講維摩許詢為都講道通一義衆意詢  
不能難及詢設難又意道不能通而賓主之難相  
尋無窮聽者多言自得道旨詰之輒失著即色游

玄聖不辯知等論有遺其馬者畜之曰吾愛其神  
駿耳有遺其鶴者縱之曰冲天之物豈耳目玩哉  
君子多其達及卒戴達過其塔歎曰德音未遠而  
拱木已繁計神理綿綿不與氣運俱盡也

郝超字嘉賓少有曠世之度談論義理精微標志  
慕佛加好行檀大將軍栢温辟為參軍時王珣同  
府珣為主簿超羨髯珣身短小府中語曰髯參軍  
短主簿能令公喜能令公怒謝安王坦之詣温府  
温先令超卧帳中聽其論事俄風動帳開安笑曰  
郝生可謂入慕之賓矣超喜隱遁聞拂衣者必為



起屋具器用遺之支道林每謂其造微之功足參正始甚重之又與沐法師厚善嘗約先歿者凡幽冥報應當以相報俄而沐卒一夕見夢曰向與君約報應之事今皆不虛願君無忘脩德以昇濟神明超由是循道弥篤云

乙丑 秦改建元

丙寅 廢帝奕字延齡哀之母弟後大同馬相温廢改太

和在治五年

丁卯 犬教東被三百年矣

釋道安者姓衛常山扶柳人圖澄之門學家世英

儒早失覆廡為表兄所養悼年讀書一覽無忘十  
一出家而能日記萬言終為緇林奇表寧康初安  
於襄陽檀溪寺建浮圖鑄銅像能起自行至方山  
而止光明燭天傾都瞻拜歡呼動山谷秦主苻堅  
送外國金飾倚像金縷結珠弥勒等安每講設以  
作證一夕像光照室視之頂有舍利焉習鑿齒襄  
陽高士先以書通好乃詣安自稱曰四海習鑿齒  
安曰弥天釋道安相得歡甚即以書抵謝東山稱  
安蓋非常勝士恨公不一見耳孝武帝聞安名詔  
曰法師以道德照臨天人使大法流行為蒼生依





田下下之士東南地區勢卑氣厲昔舜禹游而不返始皇適而不歸以貧道觀之未見其可平陽公懿戚石越重臣皆憂國至深其論可聽堅曰非區域不廣也朕欲簡天心明大運所在耳順時巡狩且有格言儻如高論則帝王無省方之文乎安曰必欲往宜駐蹕洛陽枕戈畜銳傳檄江南如其不暇伐之未晚堅不納太元七年堅自將步騎百萬次壽春為晉徐州刺史謝玄所敗單騎遁還安每疏經義必求聖證一日感厖眉尊者降安出所製似之尊者欽歎以為盡契佛心仍許以密助弘通

董眾無狀而遠遺師憂

佺他活

安識其為賓頭盧也因設日供祀之今供賓頭自安而始門弟子通其業者數十人知名于世有法遇者傳教長沙門徒數百有私飲者遇縱而不舉安廉知之即封荆以寄遇抱荆而泣曰董眾無狀而遠遺師憂於是俯伏躬受其譴太元十四年正月晦日安命其徒具浴忽見異僧出入隙中安以生處問之僧指西北即雲開見樓閣如幻出曰彼堯率天也是夕有數百小兒皆就浴而去識者以為應真之侶也二月八日跏趺而逝安兒佺而姿異博學善詞章諺曰漆道人驚四隣左臂有肉方

寸許隆起如印時號印手菩薩著僧尼軌範及法門清式二十四條世遵行之

論曰法源濫觴之初由佛圖澄而得安由安而得遠公是三大士化儀軌則或無以異至於出處操尚若相戾者何哉大抵晉室渡江自明帝之後當代時君雖無可稱者然而朝廷紀綱法度未始或虧當是之際故遠公得以遂其高天子臨潁陽而詔不出山若澄安二公失身偏霸之朝萬一不區區俯仰曲徇其情彼季龍符堅其肯容之高卧山林而不為之屈耶此古所謂

易地皆然三大士有之矣孟軻氏稱伯夷伊尹柳下惠皆曰聖人者良以其道通方而善趨時也世謂澄安之操不逮遠公吾弗信矣

孫綽字興公父楚有重望綽博學美文辭與高陽許詢俱有高尚之志初隱稽山放情山水作遂初賦以見志支道林問綽曰君何如許答曰高情遠志弟子早已伏膺然一詠一吟許將北面嘗作石台賦示友人范滂期曰卿試以擲地當作金聲滂期曰恐此金聲非中宮商然每至佳句輒云應是我輩語於吾道多有論撰具見弘明等集年五十



八卒史臣稱綽有匪躬之節不徒文雅而已

許詢字玄度高陽人魏中領軍允曾孫也澡心學

佛甚為江左諸公鄉仰慕簡文帝高其風每月白

風恬思清言妙理必造焉至其亶亶簡文不覺前

席達旦忘倦帝謂親友曰玄度才情故未易有劉

真長為時譚宗而與結清言友每謂人曰吾不見

玄度幾為輕薄令尹又嘗曰清風明月何嘗不思

玄度

戊辰

庚午

○王珣與弟珉捨宅為寺今序丘是也

○苻堅滅燕

晉司馬桓溫末年奉法有尼造之溫敬而不倦浴

必移晷訝而私覲見尼揮刃自割截支分鬻有頃

尼出溫以情問尼曰君志若遂形當如之時溫方

謀問鼎聞此悵然乃止尼遂辭不測所之

出感通錄

辛未

簡文帝昱

字道萬元之少子神識怡暢無濟世之略後崩于東堂壽五十葬高平陵


改咸安○是年彗星現帝詔竺法曠禳之曠曰

陛下當勤脩德政以養天譴貧道當盡情帝乃


齋懺災遂滅

比丘一清書

佛祖歷代通載卷第六







不 許 複 製

NOT TO BE REPRODUCED

東京大学東洋文化研究所